

Gvangjsih Minzcuz Bau

广西民族报 ganhhau: CN45-0036 B.2020 Nd.10 Ng.21 liggaueq gengcej nienz ndwengouj co'ngux

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3445 geiz
Geiz neix 8 banj

Gih Raeuz 8 Bi Gemjnoix 932 Fanh Boux Vunzgungzhoj

Bi 2012 daengz bi 2019, gih raeuz gyoepsuenq gemjnoix 932 fanh boux vunzgungzhoj, bingzyaenz bi gemjnoix 116.5 fanh vunz, 46 aen yienhungzhoj ndaej duet mauhgungzhoj bae, gij vunz ranzgungzhoj ciemq gij vunz sojmiz daj 18% roengz daengz 0.6%.

Bi' gvaq gih raeuz dieg gungzhoj vunz lajmbanj bingzyaenz moix boux ndaej gij cienz gag gaem gag yungh de

13676 maenz, beij bi 2015 gyalai 4209 maenz, bingzyaenz bi gyalai 9.63%, gij gyalai de lai gvaq gij soq daengx guk bingzyaenz.

Vunz ranzgungzhoj bouboux cungj camgya gij bauyenj ywbingh giekdaj vunz ndawsingz lajmbanj, baujmaenh duenh yivu gyauyuz gij soq boux haeujhag ciemq gij soq boux bizyez de daengz 95.2%, hawj 24.8 fanh ranzgungzhoj ndaej gaj ranz-

yiemp youq ranzonj, hawj 71 fanh vunz ranzgungzhoj ndaej senj dieg youq, hawj 153.2 fanh vunz ranzgungzhoj ndaej gwn raemx ancienz.

Youq Cungguk, Gvangjsih dwg gizdieg hoenxcienq gunggeng duetgungz daeuz ndeu, vunz Gvangjsih couh daj gyaeuj daengz rieng cungj geiq maenh gij vah Siz Ginbingz cungsiuhgi daengq de, dawz ciengz ciengq gunggeng duetgungz dangguh

gij cwngci cwzyin ceiq daeuz, aen gunghcwngz vunz lai gwndaen daih' it caeuq gij seiz hwngfat mbouj luenh bungzdaengz, mizmbei laemxsim mbouj hoenx hingz caez couh mbouj dingz, hamj gvaq byagungzhoj, cawz bae rag gungzhoj, baenzneix hawj dieg gungzhoj ndaej bienq siengq bienq yiengh lailai.

(Cinz Cing)



Liujcwngz Yen Banh Yinhyozvei Ciengq Go Haenh Banggungz

10 nyied 16 hauh, Liujcwngz Yenvej, Yen Cwngfuj youq yienhsingz Bwzyangz Gvangjancz banh ciengz yinhyozvei banggungz ndeu. Doenghboux guhhong vwnzyi, boux youq caengzdaej guh hong banggungz vanlij boux daiyauj ranzgungzhoj aen yienh neix, ciengq baenz souj baenz souj go banggungz gag cau de lumj <Go Boux Aendoih Banggungz> <Enj Aek Ndwon Soh Bae> <Rex Hwnjdaej> daengj hawj 1000 bouxyawj yienhciegz dingq, baenzneix yienj yiengh vwnzyi vunz lai gyaez dingq maj yawj de haenhndei gij cwngcwz banggungz aendangj caeuq gij hongbaenz gunggeng duetgungz guh ndaej ndei lai.

(Dwng Gwzyi Veiz Yaujbingz)

Dunghlanz Daengj 7 Aen Yienh Ndae Youq Gvangjsih Yinzminz Veidangz Baij Gai Doenghyiengh Banggungz

10 nyied 17 hauh dwg ngoenz-banggunz daihaet guk raeuz, hix dwg daih ngeihcibbet ngoenz cawz gungzhoj bae gak guk. 10 nyied 16 hauh, Swcigih Yinzda Cangzvejvei Bangungh Dingh caeuq Swcigih Cunggunghvei, Fuzbinzban, Gvangjsih Nungzgwnj Cizdonz Youjhan Cwzyin Gunghswd daengj youq Gvangjsih Yinzminz Veidangz gawjbanh aen hozdung siuyungh banggunz "ngoenzbanggunz bi 2020 Gvangjsih", baij gai gij doenghyiengh banggunz Dunghlanz,

Dasinh, Ginhxiu, Lungzswng, Sanhyangh, Yungzan, Dwzbauj daengj 7 aen yienh neix.

Youq ndaw aen hozdung neix, Sinhein Si Daizdungh Denswj Gohgi Youjhan Gunghswd soengq 700 aen yezsingh densi(raez 50 conq) hawj doenghgi cunhvejvei 7 aen yienh neix, gij densi neix gungh dij 220 lai fanh maenz; Nanzningz Si Lozyez Minzcuz Yihyen Youjhan Gunghswd soengq doenghgi mbawgaj guenj gengangh gungh dij 150 fanh maenz de hawj ranzgungzhoj 7 aen yienh

neix; 15 aen giyez maj coengh bouxwnq de dingh cawx 40 duz moudoj aen cunh gungzhoj lailai—Dwzbauj Yen Dunghlingz Cin Dingboh Cunh, gij mou neix gungh dij 30 lai fanh maenz. Ciuq daihgaij suenq, doenghboux ganbu cizgungh ndaw Swcigih Yinzda Gihgvanh caeuq boux giyezyah gyaez coengh bouxwnq de dangciengz dingh cawx doenghyiengh banggunz 7 aen yienh neix, gij doenghyiengh neix gungh dij 8 fanh lai maenz.

(Ciengj Ciuh)

SIUSIK DINJ

● 10 nyied 16 hauh, Swcigih Liengzsiz Caeuq Vuzswd Cuzbei Giz, Nungzyez Nungzcinh Dingh, Gyauyuz Dingh, Fulenz daengj 5 aen bumwnz, caeuq Gveigangj Si Cwngfuj guhdoi youq Gveigangj gawjbanh aen hozdung hoihciengz daeuz ngoenzhaeugwn seiqgyaiq bi 2020 caeuq guh cou senhconz haeugwn ancienz.

(Danz Cozvwngz)

● 10 nyied 16 hauh, Luzconh Yen Danhmen Cin banh aen yizsi doenghgi giyez gyaez coengh bouxwnq okrengz coengh gunggeng duetgungz fat bitlwg, mbouj sou cienz fat 2000 lai duz bitlwg hawj 100 lai ranzgungzhoj. Ranzgungzhoj ciengx gij bit neix, aen cin neix bauj coengh ok gisuz, ciengx bit baenz gai le, ranzgungzhoj gag gai hix baenz, hawj gunghswd soucawx hix ndaej, aenq moix ranz ndaej 2000 lai maenz haeuj daeh.

(Loz Cwngbhauj)

● 10 nyied 16 hauh, aen hozdung Daih' It Gaiq Gvangjsih Doxcomz Gaicawx Gova Gofaexlwg youq Gveilinz haiduj, baez neix gungh langhbaij 1000 lai yiengh 30 lai fanh bat gova gofaexlwg, gak si miz 109 aen giyez daeuj langhbaij, gij soq gaicawx baenz de miz 2.1065 ik maenz.

(Vuhmeij Gyauzhungz)

● Ciuq Yungzen Fuzbinzban gyoepsuenq, bineix 1 nyied daengz 10 nyied ndawcib, daengx yienh 1590 ranzgungzhoj ciengx 9102 duz mou, ndaej ciengjbouj 621 fanh maenz, bingzyaenz ranz ndaej 3900 lai maenz. 5120 duz mounoh ndaej gai gvaq, 1036 duz mourauh, gungh ndaej cienz 2800 fanh maenz; cawz bae cienzgoek, ndaej cienzseuq 1630 fanh maenz, bingzyaenz ranz ndaej 10251 maenz.

(Cinz Cunggvangj)